

Script of Evening Gojri News Bulletin 06 September 2024 at 1700 Hrs

ایوٹننگ گو جری نیو ز بلیٹن مو رخہ 06 ستمبر 2024

یوہ آکا شوانی جموں بے محمد سفیر تے محمد مبارک ماہرتیں خبر سُنو۔ پہلاں خاص خاص خبر۔

- 1* سینئر بی جے پی لیڈر تے مرکزی وزیر داخلہ امت شاہ بی جے پی غی انتخابی مہم غا آغاز غا سلسلہ مانہ 2 روزہ دورہ ور جموں پُجیا ہیں۔
- 2* منظم ووٹراں با رے تعلیم تے انتخابی شرکت سویپ پروگرام پورا جموں کشمیر مانہ زمینی سطح ور منعقد کیا جا رہیا ہیں۔
- 3* مرکزی وزیر صحت جے پی نڈا نے کہیو ہے کہ آیوشمان بھارت پورا مُلک مانہ 44 فیصد تیں بدھ آبا دی نانہ 5 لکھ روپیاں غی مالیت تک غا علاج غی سہولیات فراہم کر رہیو ہے۔
- 4* تے جموں کشمیر 3 اکتوبر تیں جموں اور سرینگر مانہ روایتی کرکٹ لیگ غا 13 کھیڈ مقابلان غی میزبانی کرے گو۔

خبراں غی تفصیل نال پہلاں محمد مبارک ماہر۔

JK Plotical Parties

سینئر بی جے پی لیڈر تے مرکزی وزیر داخلہ امت شاہ اج 2 روزہ دورہ ور جموں پُجیا ہیں۔ اُن گو استقبال بھارتیہ جنتا پارٹی گا اعلیٰ رہنماواں نے کیو۔ جن مانہ مرکزی وزیر جی کشن ریڈی تے ڈاکٹر جتندر سنگھ شامل تھا۔ شاہ غا دورہ نانہ جموں کشمیر مانہ بی جے پی غی انتخابی تیاریاں مانہ اک اہم لمحہ غا طو ر ور دیکھیو جا رہیو ہے۔ تے پا رٹی رہنما اہم مجلساں تے عوامی تقریبات واسطے تیار ہیں۔ اندرونی معاملان گا وزیر غی آمد تیں فوراً بعد بی جے پی غو منشور جا ری کیو۔ جس مانہ جموں کشمیر واسطے پا رٹی غا نظریہ تے اہداف غو خاکو پیش کیو جا ئے گو۔ مذکورہ وزیر پلک شہر جموں مانہ اک بڑی ریلی غا انعقاد غے نال نال اپنا حامیاں غا اک بڑا اجتماع سنگ وی خطاب کریں گا۔ وزیر داخلہ آدھ ستمبر مانہ بکھ بکھ انتخابی ریلیاں سنگ خطاب کرن غا سلسلہ مانہ وادی کشمیر غو دورو کریں گا۔ اور اُت سینئر قیادت سنگ وی ملاقات کریں گا۔ تے نال بی جے پی مہم گو جائزو وی لیں گا۔ بی جے پی اک مضبوط انتخابی مہم با رے تیاری کر رہی ہے۔ جس مانہ وزیر اعظم نریندر مودی تے دوجی منی پڑمنی شخصیات یوٹی پھر مانہ انتخابی ریلیاں سنگ خطاب کرن آلی ہیں۔ گذشتہ روز پا رٹی نے رواں مہینہ غی 25 تا ریخ نانہ ہون آلا اسمبلی انتخابات غا دوجا مرحلہ واسطے اسٹار مہم چلان آلاں غی فہرست جا ری کی تھی۔ مہارا نامہ نگا ر غے مطابق اس سلسلہ مانہ تمام تر انتظامات کر لیا گیا ہیں۔

SVEEP Poonch

ضلع پونچھ مانہ سویپ پروگرام با رے بیداری گا سلسلہ مانہ ریلی غو انعقاد کیو گیو۔ اس ریلی مانہ قریباً 5 سو 50 طلباء نے حصو لیو۔ اس موقع ور محکمہ مال غا اسسٹنٹ کمشنر قدیر الرحمن نے دینا ناتھ میموریل ہائر سکینڈری اسکول تیں جھنڈی دس غے ریلی غو آغاز کیو۔ اس دوران طلباء نے ووٹ غی اہمیت

با رے نعرہ تے اشتہا ر وی بلند کیا۔ اور اس ریلی غو اختتام اسپورٹ اسٹیڈیم پونچھ مانہہ بو ؤ۔ اس با رے آکاشوانی سنگ گل کرتاں واں سویپ پونچھ غا نوڈل افسر انجم شایین نے اس طرح کہیو۔۔ با ٹ۔۔۔

Doda SVEEP

ضلع ڈوڈہ غا ٹھانہری مانہہ محکمہ تعلیم غی طرفوں سویپ غے تحت ریلی غو انعقاد کیو گیو۔ اس ریلی مانہہ سکولی بچاں نے بڑا جوش سنگ حصول لے غے ووٹ غی اہمیت اُجاگر کی۔ یاہ ریلی چیف ایجوکیشن افسر ڈوڈہ غی سربراہی مانہہ منعقد کی گئی۔ اور اس موقع ور جناب سی ای او نے ریلی مانہہ شامل ہون آلاں سنگ خطاب وی کیو۔ اُنہاں نے اپنا خطاب مانہہ اظہا ر کیو جے جمہو ریت نانہہ مضبوط بنان مانہہ نوجوان طبقو اہم کردار ادا کرے اور طلباء ور زور دتو جے اپنا کُنہہ غا افراد نانہہ وی ووٹ غی قدر تیں روشناس کراویں۔ اس موقعہ و ر پہلی با ر اپنا حق رائے دہی غو استعمال کرن آلا نوجواناں نے آکاشوانی سنگ گل کرتاں واں اس طرح کہیو۔۔۔ با ٹ۔۔۔

DEO Jammu

ضلع چناؤ افسر جموں سچن کمار ویشے نے جموں یونیورسٹی تیں سویپ وین نانہہ جھنڈی دس غے روانہ کیو۔ اس موقعہ ور ان غے ہمراہ اے ڈی ڈی سی جموں شیر سنگھ، اے ڈی سی جموں انسویہ جموال، اے ڈی سی شیشر گپتا غے علا وہ ضلع غا دیگر افسر وی موجود تھا۔ اس موقعہ ور موجود یونیورسٹی طلباء نے بڑی تعداد مانہہ حصول لے غے یوہ عہد وی کیو جے وے خود وی اپنا ووٹ غو استعمال کریں گا تے دوجاں نانہہ وی تلقین کریں گا۔ اس با رے بولتاں واں ضلع چناؤ افسر نے اس طرح کہیو۔۔۔ با ٹ۔۔۔

Samba SVEEP

ضلع سانہہ غا بکھ بکھ کا لجاں غا طلباء جہیڑاں غی عمر 18 سال بو گئی بے وے اس با ر اسمبلی انتخابات مانہہ اپنا حق رائے دہی گو استعمال کرن واسطے بڑا پُر جوش ہیں۔ آکاشوانی سنگ گل کرتاں واں ان طلباء نے اس طرح کہیو۔۔۔۔۔ با ٹ۔۔۔۔۔

JK Congress List

کا نگرہس صدر ملک ارجن کھرگے، پارٹی گا سابق سربراہ سونیا گا ندھی تے راہل گاندھی سمیت آل انڈیا کا نگرہس کمیٹی غی جنرل سیکریٹری پرینکا گاندھی واڈرا، جموں کشمیر مانہہ اسمبلی انتخابات غا سلسلہ مانہہ پارٹی غی طرفوں نامزد کیا گیا منیا پڑمنیا مہم کاراں مانہہ شامل ہیں۔ مہارا نامہ نگا ر غے مطابق کا نگرہس جماعت غا جنرل سیکریٹری جے رام رامیش، کے سی وینو گوپال، سچن پائٹ، غلام احمد میر، ہماچل پردیش گا وزیر اعلیٰ سکھویندر سنگھ سکھو تے ان غا نائب مکیش اگنی بو تری وی پارٹی غی طرفوں چناؤ کمیشن نانہہ جمع کرائی گئی فہرست مانہہ شامل ہیں۔ جموں کشمیر پردیش کا نگرہس کمیٹی غا سربراہ طارق حمید قراہ، سینئر رہنما سلمان خُرشید، اجے ماکھن تے سعید نصیر حسین وی ان 40 لیڈراں غی فہرست مانہہ شامل ہیں۔ پارٹی رہنما راہل گاندھی نے بدھواریں مرکزی زیر انتظام علاقہ مانہہ پارٹی غی انتخابی مہم غو آغاز کیو تھو۔ 90 رکنی جموں کشمیر اسمبلی واسطے 3 مرحلاں مانہہ انتخابات کرایا جا

ریا ہیں۔ جن مانہ پہلا مرحلہ واسطے رواں مہینہ غی 18 تا ریخ، دوجا مرحلہ واسطے 25 تے تیجا مرحلہ واسطے پہلی اکتوبر نانہ ووٹ کہلیا جا ئیں گا۔ تے ووٹاں غی گنتری 8 اکتوبر نانہ وے گی۔

یہ خبر تم آکاشوانی جموں تیں سُن ریا ہیں خبراں غا باقی حصہ نال محمد سفیر۔

JP Nadda

مرکزی وزیر صحت جے پی نڈا نے کہیو ہے جے وزیر اعظم نریندر مو دی غی سربراہی مانہ صحت آلو شعبو مکمل علاج کرن تے بیماریاں گی روک تھام آلی مکمل خدمات مُلک مانہ مہیا کراریو ہے۔ پٹنہ مانہ اک پروگرام غے دوران بولتاں واں اُنہاں نے دسیو جے آیوش مان بھارت غے تحت مُلک پھر 12 کروڑ 75 لکھ کُنبہ تے زائد از 44 فیصد آبا دی نانہ 5 لکھ تک غو مُفت علاج کرایو جا رییو ہے۔ اُنہاں نے کہیو جے پہلاں بھارت مانہ کل 6 ہی ایمز قائم تھ تے نریندر مو دی غی سربراہی آلی سرکار نے یا تعداد 22 کر دی ہے۔

BJP Kathua

ضلع کٹھوعہ گا بیرا نگر اسمبلی حلقہ واسطے بی جے پی اُمید وار ایڈوکیٹ وجے شرما نے مرکزی وزیر ڈاکٹر جتندر سنگھ غی موجو دگی مانہ ریٹر ننگ افسر بیرا نگر غا دفتر مانہ اپنا کاغذات نامزدگی داخل کیا ہیں۔ مرکزی وزیر ڈاکٹر جتندر سنگھ سمادھی استھل تیں آر او دفتر تک ریلی مانہ شامل ہوا۔ جس تیں بعد اُت بی جے پی غا غا حامیاں غی بڑی تعداد نے پارٹی غا حق مانہ نعرہ لایا۔ ایڈوکیٹ وجے شرما نے اپنا کاغذات نامزدگی داخل کرن تیں بعد بیرا نگر مانہ ریلی سنگ خطاب کیو۔ اجتماع سنگ خطاب کرتاں واں ڈاکٹر جتندر سنگھ نے اس طرح کہیو۔۔۔ بائٹ۔۔۔

PM Teacher's Day

وزیر اعظم نریندر مو دی نے مرکزی وزیر تعلیم دھرمیندر پردھان غی موجو دگی مانہ اُن اساتذہ سنگ ملاقات کی جنہاں نانہ گذشتہ کل یوم اساتذہ غا موقع ور صدر جمہو ریہ دروپدی مُرمو نے قومی ٹیچر ایوارڈ سنگ نوازیو تھو۔ قابل ذکر ہے جے اس سال کُل 82 اساتذہ نانہ مذکو ریہ ایوارڈ سنگ نوازیو گیو ہے۔

RNU Reasi

جموں غا علاقائی خبراں آلی آکا ٹی نے ووٹر بیداری مہم غے بینر تلے اک دستخطی مہم گو انعقاد کیو۔ اس مہم گو مقصد عوام نانہ اُن گا آئینی حق رائے دہی با رے بیدار کرنوتھو۔ اس موقع ور جنرل زور آور سنگھ میموریل کالج ریا سی غا طلباء نانہ ووٹراں نانہ بیدار کرن واسطے تحریری مواد وی فراہم کرایو گیو۔ اس موقعہ ور بولتاں واں کُجھ طلباء نے اس طرح کہیو۔۔۔ بائٹ۔۔۔

Legends League

جموں کشمیر روایتی کرکٹ کھیڈ ایل ایل سی غا تیجا مرحلہ غا 13 میچاں غی میزبانی واسطے تیار ہے۔ جھپڑا ات مولانہ آزاد سٹیڈیم تے بخشی سٹیڈیم سرینگر مانہ کھیڈیا جا ئیں گا۔ اک عہدیدار نے دسیو ہے جے ایل ایل سی غا آخری ترتیب جموں مانہ اک بڑی کامیابی تھی۔ جس مانہ پھریا کھیڈ میداناں مانہ لوک

قومی تے عالمی کرکٹ گا ستاراں غی خوشی منا رییا تھا۔ اسے واسطے جموں تے سرینگر دوہاں گا کھیڈ میداناں مانہہ 13 کھیڈ مقابلہ ترتیب دتا گیا ہیں۔ اس ترتیب غو اشتراک کرتاں واں ان نے کہیو کہ دوہاں خطاں مانہہ 13 کھیڈ مقابلہ کرایا جائیں گا۔ جن مانہہ 6 جموں تے 7 سرینگر مانہہ منعقد کروایا جائیں گا۔ لیجنڈ لیگ کرکٹ غا سی ای او رمن رایبجا غو کہنو بے کہ کرکٹراں واسطے کشمیر غی خوبصورتی غو تجربو کرن اور سرینگر غا شاندار لوکاں غی مہمان نوازی تے محبت تیں لطف اندوز ہون غو اک بکھرو موقعو وی فراہم کرے۔

اس غے نال ہی خبراں غو یوہ بلیٹن ختم ہوؤ۔

News Read by:- Mohammad Safeer & Mohd Mubariq Mahire

News Editor:- Mohd Mustkeem Baig

DEO:- Alam Khan

Skilled:- Rajat Paul